



野人清嘯目錄

上卷

五言古詩三十首

五言律詩三十首

下卷

七言律詩三十首

五言絕句三十首

七言絕句三十首



子言錄向三十首

五言錄向三十首

子言錄向三十首

野人清嘯目錄終

五言詩三十首

五言古詩三十首

士卷

野人清嘯目錄

野人清嘯卷之上

嘉禾梅顛周履靖著

金陵荆山書林梓行

五言古詩清嘯三十首

難將百鎰金挽留一寸晷昇沉弗少稽迅若弦  
上矢朱顏暗裏衰少壯胡足恃奔趨名利途此  
心忘砥礪徃古與來今盡屬虛生死物情旦暮  
遷否泰循環理富者詎可驕貧者未足耻但存  
義與仁榮枯任所以紛紛混俗流豈若明達士



幽馨深谷蘭雅勝穠桃李歎羨山中人閒身隨  
鹿豕泰前野富春豈可謂貧春未及與日暮  
以其五蘇詩古興來今盡氣氣空空  
閒凭花畔欄時聽枝上雀追思往日非四十九  
年錯良辰夢裏過流光似駒躍造物困丈夫心  
亦諳民瘼紉衣塞芟荷供餉摘葵藿性成詩酒  
癖身為兒女縛何如居山中趺坐持般若人情  
始已知恰似秋雲薄且自傾壺觴醉餘情落落

其三

殘陽淪碧海皓月吐青山不識旋運速白晝苦  
弗閒登眺任舒嘯感慨空淚潛富貴由天賦榮  
辱何相關碌碌塵氛途擾擾名利闌誰能悟其  
機拂衣遺人間世事猶棋局決勝良亦艱莫云  
盍浪語端可醒愚頑貴何必  
其四大夢變幻收散雲陣燭冥海  
黃犢犁春疇何如太倉鼠勞形無宿儲安逸有  
餘茹無論賢共愚皆由天賦與一厘足可栖豈  
羨立朝宁人生不久長懷抱徒悽楚古墓爲郊



野夕清嘯 卷一 世卷三  
畦桑田變海渚行樂總丹丘蓬萊渺何所遁迹  
全其生得失任來去由天却與一墨只何蘇豈  
黃其五 春潮何似大含嵐  
身世若大夢變幻如浮雲朝歡宴綺席暮爲兩  
地分貧賤不足憂富貴何必欣翻覆循環理自  
古有所聞智者達其意林泉樂日殷但盡尊前  
興豈計塵事紛子房從亦松絕勝韓彭勲愚本  
多拙訥敢與世類羣

其六

調琴聊自適常謂無知音殘編盈几席囊罄乏  
黃金行歌學年少暢飲開煩襟每持安貧操恒  
養貞素心愛河與苦海詎能測淺深尤當靜中  
究斯言誠足欽

其七

自學老圃風悠然潛故里把酒面青山濯纓臨  
碧水神遊霄漢間夢繞梅花裏落落無所拘窮  
通任天使秫田半頃饒此生願足矣時聽枝上  
鶯嬾曳侯門履石鼎爇明香幽牕彈綠綺



野人清嘯 卷上 其八  
史紀達士儔南州徐孺子家無儋石儲律已循  
道軌去古千餘年到今羨其美吟風倚短筇鋤  
雲着敝屣朝來得聞道無恨至夕死採芝延脩  
齡種梅遶長渌欲追昔人風有爲亦若是

其九

閒庭調鶴舞不喜逐胡鷹白晝時開卷滄江可  
舉習少壯廢其學老大恃何能言行當循理得  
失由天成道貴存仁義心當絕愛憎篋瓢飯蔬  
食隱几枕曲肱身雖陋巷居意氣常自弘

其十

四時春色佳行樂須及蚤狂斟花底觴莫待鶯  
花老夜來風雨摧零落君知道利欲迷其心忽  
爾銷至寶華屋與良田何如一樽倒縱有百歲  
期終當伴衰草

其十一

脫冠兼跣足踈散忘鞠躬行媿非顏子囊恒亦  
屢空隨時好懷抱尤喜無疲癯閒來歌白雪興



野人清嘯 卷上 卅三卷五  
至撫焦桐心狂隘宇宙縱飲稱醉翁落魄天地  
間徜徉林壑中悠悠百年內後世仰高風

其十二

開襟坐芳草怡然對花榭常喜酒盈樽無玉不  
待價暢飲樂陶陶渾忘晝與夜睥睨宇宙間酪  
酏卧茅舍

其十三

知止心自足憂道不憂貧詩爲千載業酒作養  
生珍山水仍依舊人情幾易新俄然風波興舉

目誰相親東家富多事安閒讓西鄰賢愚偕壽  
夭黃壤終蔽身

其十四

桃李總芳菲豈若松栢久金谷花千叢渭川竹  
幾畝花落鳥音稀竹廢爲澤藪紅日照東楹月  
色暎西阜光陰不少稽晝夜迅奔走行樂須及  
時莫待成白首

其十五

身貧志不貧心閒身足貴達人暢高懷志士養

聖人清嘯 卷一  
浩氣花下傾壺觴豈惜千金費一念萌貪饕欲  
火斯騰沸鯤魚潛深淵冥鴻遠羅罽寄語養生  
人淡泊有真味

其十六

吾生本拙訥契彼出塵心高懷恣瀟灑世事總  
難禁杲杲東日昇溶溶月西沉嗟哉時易過情  
與杯酒深黃糧夢早識落魄欣無任屢空不足  
憂常恐白髮侵

其十七

高歌一曲狂濁酒三杯進山花眼底明海月波  
心印世事任模糊真偽誰能認爲樂及芳春莫  
待霜侵鬢常耕方寸田何由生險釁靜觀智術  
流空布風雲陣

其十八

試觀營謀者堪嗤復堪悲亾身與傾家由來爲  
錙銖勿謂老將至誰知朱顏衰人情旦暮遷世  
事頃刻移真淳漸銷鑠利欲日潛滋生死本無  
常智巧何能辭



其十九

五十已知非所志在行素處貧宜自安視富莫  
生妬清謹恒相持紉衣只韋布一飯惟藜藿淡  
泊遺外慕不爲塵俗羈貞心願永固

其二十

扁舟與彩鷁得水方可征大厦合抱材本從毫  
末生積功與累仁福澤由微萌欲爲逍遙叟一  
塵復何嬰道德期高大利欲遠弗親跡混蒿萊  
中足由坦途行

其二十一

忘機似鷗鳥守拙猶鳴鳩命運固有定何必多  
閒愁偃蹇與榮達修爲詎能侔知足遠恥辱知  
止奚俟求村醪即醇醴山藜同珍羞不爲贈繳  
羈是亦古巢由

其二十二

變幻瞻雲霞迅疾看走馬身世等浮漚何如醉  
樽筓天地爲紅爐造化即陶冶賢士韜輝光達  
人粧聾啞調絃對南薰臨書北牕下閨靜一茅

聖人清嘯 卷上  
堂雅勝開綠野

其二十三

蕭蕭數竿竹猗猗挺清標碧陰覆渭水翠杪拂  
雲霄常與松栢偕不逐桃李嬌堅守歲寒操霜  
雪焉能凋貞性本天植奚用琢與雕千紅并萬  
紫春盡總辭條

其二十四

靜究老氏語睥睨世炎涼余心惟寂寞隨人較  
短長朴訥可持久澆薄見蚤傷破俗憑新句陶  
情仗醴漿徒勞計百出自古有興亡達士恒嘯  
傲愚者空奔忙

其二十五

情與山水契日混麋與鶴芳梅樹荒墟茅廬結  
幽壑翠竹挺蕭蕭山花開灼灼烟霞爲伴侶閒  
身得所託聽鳥撫孤松看雲凭草閣醉酒樂餘  
生安用煉丹藥甘貧卧衡門俯仰心無作

其二十六

心田恒坦夷不必畏雷霆高懷歌白雪危坐向



野人清嘯  
卷之七  
世春  
園亭興至隨花柳既醉已忘形嘉賓娛綺席好  
月暎空庭人情多冷暖身世如浮雲獨有南山  
柏凌寒不改青

其二十七

家屈白苧村更喜鴛湖近心共野雲閒跡與漁  
樵混芳園長嫩蔬碧甕藏清醞門外繞綠楊籬  
邊茂朱槿貧堅顏閑操禮遵孔孟訓素仰嚴陵  
風尤羨商山隱身在名教中言行宜當謹

其二十八

鄰家新酒熟杖頭餘青錢呼童漫沽飲閒吟清  
溪邊山花向人笑垂柳傍堤眠擎杯看花柳黃  
鳥鳴樹顛爲歡須少壯明月幾度圓蜉蝣易生  
滅幻化猶雲烟狂歌倒接罹酩酊艷陽天

其二十九

遺世成獨立醉後笑撫掌跡若川上萍風生遂  
飄蕩且盡眼前歡莫爲身後想桃李入春榮秋  
至同草莽良辰不易逢樂事還堪賞高歌暢滿  
懷曠達爲吾黨



其三十

客至惟適情儉約無嘉設帶露摘園蔬山厨烹  
更潔黃鳥弄音奇尊中酒未竭歡賞忘去來味  
把庭花折粗豪縱飲頻高調歌白雪醅醕不辨  
人醉眼看冷熱

五言律清嘯三十首

逸名林下叟遺世野人家蹤跡同玄鶴情懷契  
紫霞清風披朗牖宿鷺滿晴沙聞寂無車馬逶  
迤徑路斜

其二

縱飲如元亮踈狂訝陸通閒心秋水白幽抱碧  
霄空有興漁江鯉無情弋塞鴻高栖忘俗慮詩  
句不求工

其三

雅志辭塵鞅臨波把釣竿紅蝦供野酌青鯽作  
宵餐孤艇沙邊艤群鷗渚上看漫追志和興蕩  
漾過前灘

其四

其四來尋林下客幽理林初開巖山真日



野人清嘯  
卷一  
世冠二  
門靜蒿萊長林幽少客過野猿時朗嘯山鳥日  
賡歌闔戶凡情寡鳴琴逸興多陽春一曲罷慮  
滌壯心和

其五

楓葉飄林麓秋來興不孤涼風來綠牖明月上  
蒼梧滿戶雲霞繞深林鳥鵲呼煩心靜止水詩  
骨鶴同癯

其六

夙志耽清隱依岩結草廬烟霞爲伴侶松竹翳

山居茶竈臨風煮秫田帶雨鋤石牀閒坐久謾  
究老莊書

其七

生平樂山水策杖獨登臨極目奇峯遠徘徊曲  
徑深松風醒俗耳鳥語適閒心雙鳥流雲潤荷  
衣瀑布侵

其八

樂志憑詩酒看山豁俗襟聽禽啼古木與鹿卧  
長林脩竹搖清影幽泉瀉遠音余心甘寂寞靜



裏看浮沉  
其九  
一椽聊自足  
放浪碧山前  
垂釣臨磯石  
尋芝破曉烟  
時追孺子節  
每企向平賢  
淨几香初爇  
閒披秋水篇

其十

山中葺茅屋  
靜裏究玄機  
衣薜渾忘冷  
食苓可療飢  
泉聲隔林落  
樹色入簾微  
日坐幽軒下  
條然遠是非

其十一

岸柳搖清影  
茅堂面碧涯  
遠山凝翠黛  
野鳥浴晴沙  
薄靄籠芳樹  
輕風颺落花  
梁園崇侈麗  
幽致屬山家

其十二

坐對芳蓮沼  
薰風遞遠香  
茶烟醒鶴夢  
酒冽壯詩腸  
翠篠搖青瑣  
黃鸝鬧綠楊  
閉門成隱逸  
高枕卧方牀

其十三



五十頭顱白繙書目漸昏經旬不入市終日倦  
開門地僻朋儔寡園荒竹樹存野花供賞翫鳥  
語勸清樽

其十四

堤柳隨風颺池魚噴水漚閑花開綠埜瑤艸長  
丹丘松檜叢青靄岩泉瀉碧流衡門常寂寂緘  
默即玄修

其十五

心澄忘俗慮山靜絕紅塵薇蕨堪充腹柴關可

隱身五禽能卻疾八句欲通神試問何爲者逸  
名落魄人

其十七

閒中幽思愜靜裏好懷生翫月花篩影鳴琴鳥  
和聲躰同玄鶴瘦心共太虛清獨踞胡牀寐靈  
臺耿耿明

其十八

機息忘榮辱心閒寡愛憎江梅同我操秋水比  
心澄庭畔調馴鶴山中晤老僧性耽泉石趣世



事一何能

其十九

閒坐巖灘石桐江下釣鈎鷗群春水泛柳蔭午  
風柔浪迹從吾性烟霞是侶儔徘徊江上路志  
逸傲公侯

其二十

結茅身可憩靜養道心明溪上逢樵話花間引  
鶴行金風摧木葉玉露浥蘭英一曲梅花調悠  
然五內清

其二十一

徑幽無客到林靜鳥時來逸興隨雲往高懷對  
月開松風醒午夢鶴跡印莓苔不啻人間事猖  
狂醉百杯

其二十二

繞籬黃蝶舞隔竹響茶春短袂花香襲長歌鳥  
韻從閒看沙上鷺倦倚澗邊松日與山樵話霞  
光暎水容

其二十三



野人清嘯 卷一 世卷三  
徐步入江鄉西疇遍挿秧柳垂堤上綠草合徑  
邊芳風冷嫌衣薄溪迴覺路長興來忘力倦何  
處野薇香

其二十四

何處覓蓬島無事即爲仙長夜清樽倒空齋白  
晝眠林幽聞鳥語風細裊茶烟坐對南薰爽焚  
香奏五絃

其二十五

須知來日短莫放酒杯虛庭畔竹爲友盤中藪

當蔬入谷欣聽鳥臨川獨羨魚且盡樽中樂無  
心課子書

其二十六

飄然塵世外瀟灑一狂夫樂有林泉致欣無冠  
蓋拘但知詩意味莫問秫田腴久甯牀頭醞年  
來待客需

其二十七

知白守其黑何欣智者能形骸同土木世事若  
春冰漁艇隨風泛湖樓待月登推敲猶未穩評

句有山僧

其二十八

春光猶掣電身世若浮漚螢焰明衰草萍蹤泛  
碧流林間風色定杯上月光浮且盡菴前興何  
須嘆白頭

其二十九

野徑清溪繞茅堂翠竹圍芳樽聊遣興白髮已  
忘機山鳥流音脆溪翁到跡稀落霞與孤鶩閒  
看一齊歸

其三十一

結屋不求廣尋山豈厭深伴雲栖古洞栽竹傍  
幽林嵐氣籠高樹殘陽映遠岑據梧吟好句卓  
落遠塵心

野人清嘯上卷終



野人清嘯卷之十

卷之十

野人清嘯卷之下

嘉禾梅顛周履靖著

七言律詩清嘯三十首

年過五十興闌珊  
 睡覺東窓日數竿  
 幽抱碧霄秋月霽  
 高情滄海曉霜寒  
 風和林外鶯聲巧  
 雨過枝頭花色殘  
 醉酒哦詩聊自適  
 閒從魚鳥日盤桓

其二

短褐棕鞵四躰輕  
 買山築室欲逃名  
 身同老鶴

野人清嘯

卷之十

五

形骸瘦心似明蟾氣象清坐向頽簷觀世態夢  
餘孤枕悟人情悠然靜葆精和氣一曲冰絃意  
自平

其三

欲謝塵囂卜隱居山幽地僻俗情疎琴鳴古調  
醒庭鶴硯滌方池動藻魚長日博觀左氏傳明  
牕興倣右軍書晚來對月三杯後世慮都將一  
醉除

其四

毀不嗔芳譽不欣心涵道德靜天君梅花孤潔  
開芳圃茅屋虛明住白雲石鼎煮茶香馥馥林  
風戛竹影紛紛幽然迹遁巖阿內懶與時人混  
俗氛

其五

少年仗劍五陵遊幾度追歡醉玉樓種竹只緣  
詩課計耕田還爲鶴糧謀年來俠氣春冰渙歲  
去浮名暮網收買箇扁舟依慕岸閒身終日伴  
沙鷗



其六

黃茅爲瓦枳爲牆  
芳沼荷開遮遠香  
淺淺清泠溪水淨  
悠悠曲折路岐長  
茂林脩竹消煩暑  
幽徑高槐度嫩涼  
獨坐碧陰揮羽扇  
雙雙飛燕入簾忙

其七

寂寂林堂寡客車  
一灣流水映丹霞  
垂楊搖拽幽人境  
脩竹深藏隱士家  
屋畔松喬翔野鶴  
岩前桂老發天葩  
莫言白首無消受  
宿酒新詩興

轉贈

其八

散誕無拘卧竹林  
那堪白髮鬢邊侵  
牀頭酒熟時當醉  
灞上梅開興欲尋  
秋日倚松吟月色  
春風藉草卧花陰  
狂來一嘯忘身世  
懶向時人嘆陸沉

其九

荒郊結屋遠風塵  
寂寂柴門傍水濱  
野鹿時來堪作伴  
梅花常近若爲鄰  
琴書盈几聊供興  
葵



藿成畦未信貧幽壑深林有佳境何須追做避  
秦人

其十

尚志生平泉石明  
巒巒巖壑傲簪纓  
身同孤鶴千峯繞  
迹似流雲一片輕  
室秘丹爐凝紫氣  
枝藏玄鳥遞清聲  
野人拾蕨堪爲餉  
何必扶藜入禁城

其十一

翛然凭几對斜暉  
五十年來遠是非  
閒掃松花供野爨  
漫收木葉紉秋衣  
時過竹院同僧語  
晚倚柴扃看鳥歸  
不羨長安車馬客  
且隨鷗鳥共忘機

其十二

幽人自喜近僧家  
寂寂荆扉傍水涯  
瀟灑萬竿蒼玉竹  
芳菲幾樹碧桃花  
潺湲飛瀑林端落  
陰翳輕雲檻外遮  
晚向溪邊閒策杖  
一羣鷗鷺滿汀沙

其十三



不隨時輩較浮沉卜築茅堂近竹林幾處幽禽  
啼樹密一番驟雨落花深牀餘書卷從吾檢徑  
滿蒿萊謝客尋自是野人成懶癖高山流水是  
知音

其十四

棄劔操瓢入隱淪布袍蓬髻稱綸巾清風竹榻  
成新句流水溪橋作比鄰天際白雲當戶列塔  
前玄鶴向人親莫云林藪非愚谷恰似當年鄭  
子真

其十五

傍水依山結隱居樹梅栽竹繞清池釣魚此澗  
堪爲饌種荳南山可療飢老鶴焦桐聊寄興清  
風明月雅宜詩悠然遠遁渾忘世那管權娛與  
別離

其十六

衡門徑僻少行蹤日對閒雲俗慮空興閱古詩  
賡杜甫閒披高士羨梁鴻幽窓一枕心神寐濁  
酒三杯意氣融莫謂野夫同槁木飄飄逸思吐

長虹  
其十七

生平踈散愛巖栖  
白苧村前鴛水西  
寂寞草堂芳樹合  
崎嶇石徑野雲迷  
柴扉盡日閒  
青草野叟隨時步  
碧溪掃榻淹留高士駕  
開樽取醉索新題

其十八

狂夫潦倒卧林丘  
盡日栖遲謝勝遊  
匣秘龍泉消壯氣  
庭飄梧葉報新秋  
臨池染翰聊追興  
向月擎杯試解愁  
塵事已蠲閒  
白晝謾將心跡寄

虛舟

其十九

年來懶慢謝經過  
幽壑開門掩薜蘿  
長晝堦前蒿草翳  
深秋籬畔菊花多  
空庭舉袂因調鶴  
淨几臨書欲換鵞  
聞道湖南新月霽  
漫移蘭棹泛澄波

其二十

碌碌塵紛逝水長  
韶華倏忽電流光  
方迎荏苒



三春日又見嚴寒九月霜不盡山花供我興無窮  
窮世事爲誰忙且將宿醞時浮白須信人生傀儡  
散場

其二十一

溪上誅茅結靜扉閑收木葉可成衣芳春荷笠  
分菱種末日凭欄看鷺飛灼灼葵榴開鶴徑依  
依楊柳拂漁磯尋常盡屬風塵客爲問何人解  
識機

其二十二

朝來對鏡覺心驚鶴髮蕭蕭兩鬢生湖上青山  
如有約樽中綠酒若爲盟年來心似片雲淡醉  
去身猶一葉輕歡笑花前能有幾可知塵世屬  
虛名

其二十三

數里村墟背郭偏柴門深鎖綠蘿烟荷花凋盡  
三秋葉桂子飄殘八月天把酒謾看陶令菊餐  
英遙誦楚人篇林端颯颯涼風度欲覓鱸魚理  
釣船

其二十四

不坐禪牀不煉丹  
茯苓爲餌籜爲冠  
林間列席看花飲  
石上橫琴向月彈  
喜聽山禽聲宛轉  
欣逢漁父坐盤桓  
我儕自有林泉樂  
豈羨天衢跨玉鞍

其二十五

吟哦思苦鶴同羸  
須仗牀頭酒一卮  
壯志年隨流水去  
閒心時與白雲期  
池栽綠芰防秋冷  
地產黃精療晚飢  
家住深山逃姓氏  
徜徉不與世人知

人知

其二十六

惟願新篍百斗漿  
對花歌咏吸千觴  
狂來跣足吹梅笛  
醉去和衣卧石牀  
謝絕寰中名利路  
消融腹內是非腸  
人間自有蓬萊境  
何必尋真覓秘方

其二十七

倏忽新春又蚤秋  
奔忙旋運使人愁  
良辰莫負看花約  
往事應隨逝水流  
豈羨朱門千駟乘  
何



野合清覽 卷一 十三卷五  
如滄海一扁舟綠簑青笠風塵外蓴菜鱸魚薦  
酒甌

其二十八

幽齋靜對一爐薰  
凭几間披韓柳文  
野鶴繞堦和月舞  
山童煮茗摘松焚  
春光浩蕩如滄海  
人事輕浮似淡雲  
漫拉前溪老漁叟  
頻斟綠醕話慇懃

其二十九

自喜山家鹿麝事  
寡慢扶鳩杖看雲飛  
荷鋤籬畔閑培菊  
擁慧齋頭靜掃氛  
二徑年來情可適  
一樽老至興猶勤  
荆妻炭爇烹葵藿  
放浪高歌醉夕曛

其三十

酒中真樂羨淵明  
解組投閒利欲輕  
盞內綠醅和月飲  
籬邊黃菊帶霜榮  
桃源歸去辭猶富  
不遇閑情賦更精  
漉酒葛巾情最逸  
清修千載擅芳名

四清嘯五言絕三十首非焚香盃瀝下楚荆

野人清嘯 卷下 廿九  
四十九年錯今來始覺非焚香虛牖下披帙究  
淵微

其二 輝更赫燕西甚中卦最致肅外千輝  
身懶成落魄不爲利名縛狂來撫掌歌興至調  
玄鶴真樂美賦出翰賦對開派於禮蓋內絲韻

其三

踈散稱逋士閉門一無爲烟霞伴蹤跡鹿豕日  
相隨

其四

囊中無異寶世上有閒人任爾呼狂客生平不  
作嗔

其五

逢花巾上插遇飲且留連莫問名和姓人間一  
散仙

其六

清溪看舞鶴幽几靜刪書芳艸迷庭砌頽然一  
敝廬

其七

泉不自長愛岩醉蘇藥燭黃謝蓮半處



野人清賦 卷下 其九  
逸性諧泉石自是愛岩栖種藥鋤黃壤垂竿釣  
碧溪

其八  
籬邊茂叢菊林外有啼鶯須罄樽中酒休教負  
此生

其九  
詭譎終罹患何如學箇癡憑誰施巧計天道豈  
無知

其十  
琴書成一束負荷入青山謝却塵寰事逍遙巖  
谷間

其十一  
心澄遺俗慮室淨一塵無閒撫焦桐罷長空月  
色孤

其十二  
東岡紅日杲又見月西沉利欲驅人急何能靜  
此心

其十三

野人清嘯 卷下 三卷六  
河流無復返歲去豈能留黃金貯華屋不及醉  
壚頭

其十四

高歌共客娛把酒花間坐一醉春風中良辰莫  
虛過

其十五

神遊霄漢外情寄泉石間幽然伴明月時與白  
雲閒

其十六

總角知識淺悞涉崎嶇岐知命年已過萬事一  
無爲

其十七

愛河闊無際欲海何其深誰能登彼岸費盡此  
生心

其十八

焚香踞孤榻靜觀世變遷任渠榮與辱而我自  
安然

其十九



聖人清明 卷一  
靜究希夷旨閒翻道德書得窮先達理六欲自  
然除

其二十  
浮萍若身世貪昧不知虛一番波浪湧漂泊竟  
何如

其二十一  
家住槐花里草屋三兩間貌同木石古心共野  
雲閒

其二十二  
編茅成小隱績苧作寬裳菰米炊香飯山蔬薦  
酒觴

其二十三  
舉世誰勘破動止即多過若存利己心却被情  
欲淹

其二十四  
羣情攪寸衷一身混塵事翳此明道心經典藏  
深筭

其二十五

弗遵德性學利欲攻其心能究淵源理將來頌  
美音

其二十六

人生知有限幾度醉花前識破邯鄲夢閒身屆  
百年

其二十七

樊籠拘幻質苦海萬重濤若悟玄玄肯功名等  
一毫

其二十八

誰能千日醉月無十日晴知機心自樂簡默氣  
和平

其二十九

縱目看山色凭欄聽鳥聲却輸隱者逸幽抱玉  
壺清

其三十

世上趨趨語生平不耐聞興來三斗酒枕石卧  
斜曛

清嘯七言絕三十首



野人清嘯 卷下 十一  
士三九士  
踈狂野叟性多偏  
懶去經營不力田  
時對清樽歌白苧  
日高猶自枕琴眠

其二

山家滋味閒中得  
世上機關靜裏知  
萬物到頭皆是幻  
不如花下倒清卮

其三

採蕨東山趁月歸  
不妨清露濕荷衣  
到家小犬迎人吠  
老婦携兒候竹扉

其四

世人何必羨長生  
惟事閒心利祿輕  
棋到勝時饒一着  
藜牀欹枕夢無驚

其五

懸壺賣藥不二價  
閉戶著書將萬言  
曉汲清泉烹白石  
旋攀松柏作饔餐

其六

瘦瓢爲侶杖爲儔  
鶴髮黃冠衣鹿裘  
囊裡有丹能濟世  
脩然放浪五湖遊

其七

甕牖繩樞竹作圍梅花舒玉蕨芽肥道人且樂  
閒中勝靜倚幽窓看雨霏

其八

茅屋三間枕碧瀆荆扉常寂駐閒雲支頤讀遍  
莊生語志曠情怡世莫群

其九

入山高志已多年更愛幽栖遠市廛日契林泉  
魚鳥樂澹中滋味向誰傳

其十

蕭觀塵中萬事紛栖遲常與鶴爲羣半生事業  
惟山水一片閒心伴白雲

其十一

誰勝山中隱士家巖邊翠竹澗邊花危峯百丈  
泉千尺風景依稀似九華

其十二

白李紅梅障錦屏如絲楊柳草青青山中風致  
休教負一曲清歌倒玉瓶

其十三



間門長日長藤蕪猶喜無情夢上都興劇仰天  
成一嘯陶情惟仗酒盈壺

其十四

閒與羣鷗沙上狎咲看人世爲誰忙何如靜踞  
長松下時聽黃鸝舌鼓簧

其十五

散髮踈慵卧竹林生平惟與酒知音三杯自覺  
忘塵俗得興優游對月吟

其十六

卧起方牀日欲傾汲泉碧澗選茶烹臨窓拂几  
和清操一曲瀟湘月上楹

其十七

爲問山人興若何悠然鼓棹泛澄波有時把釣  
鴛湖曲貫酒烹魚醉放歌

其十八

莫教虛度艷陽天花滿枝頭柳散綿黃鳥調歌  
供客况如茵芳草醉時眠

其十九

興狂喜混散人班醉酒行歌世外閒謾學漁樵  
忘世慮不臨湖上即登山

其二十  
方牀睡起命壺觴竹底風生可納涼醉裏粗豪  
發長嘯却臨磯上濯滄浪

其二十一  
身心狂誕志無求自是生平不解愁句就興來  
頻喚酒花前傾倒且淹留

其二十二  
浩蕩乾坤寄老夫長歌一曲酒三壺醉來熟睡  
藜牀穩一任傍人喚酒徒

其二十三  
山田數畝一茅廬幾甕香醪半榻書畫掩荆扉  
無客到經旬足不躡村間

其二十四  
鷄衣木食卧中林野鶴孤雲伴客吟名姓不容  
通上國翛然靜養上皇心

其二十五  
六



六尺灑形一短筇深巖絕壑寄行蹤不知世路  
幾多險任我踈狂兩鬢鬆

其二二十六  
不求負郭三千頃惟喜移家住白雲糲飯黃蘗  
生願足溪風林月有誰分

其二二十七

曲澗泉清碧樹森四山雲淨鳥調音此時此景  
人知不寐寐盤桓空道心

其二二十八

野蔬糲飯心能足松牖鳴琴稱隱淪天與我儕  
塵外樂狂歌縱飲倒綸巾

其二二十九

黃草爲鞋葛作巾孤雲一片伴關身山中閒寐  
無人到自與鳴禽作主賓

其三十一

事事從教是與非野人拙訥獨知機携壺長嘯  
花間坐醉眼模糊看鳥飛

人清嘯下卷終

燎松吟序

柳聞文章闕乎世運唯詩亦然詩  
固小道哉而民風攸係風與習俱  
詩隨時變建安而後小變其格獨  
陶謝澹又彬又至唐則已極矣  
明興就李騷人隱士不廷詩歌成



弘以前有唐之風迄今寥々作者  
不絕如綫西河隱君周逸之博洽  
嗜古力蹤前詰其所鐫稿流布宇  
內不下數帙秋日友人復持其所  
咏燎松吟如干首視余之方高臥山  
莊訊夫容開落得隱君咏誦之不

覺大白滿飲隱君如是乎其多情  
也冬寒勁冽冰霰交加闌闐之士  
非貂袖紅爐則牙籌白屋孰肯繼  
縵於友朋隱君廼重念故知拾松  
枝煨煖閤題械呵凍吳越故人各  
各寄唁若面若膝至於河梁送別

情見乎詞寧特追蹤陶謝媿  
人耶噫交道絕矣友誼衰矣  
隱君力維之庶幾有古人風  
余為之三擊節不覺加浮大白  
三爵而捉筆以題其首  
萬曆丙申秋月友人  
海樓陳奇謀書於水竹山莊

中茂  
維西

燎松吟自序

乙未嘉平朔風慘雪蓬室蕭  
颯不能出戶日與二三幼稚  
擁衾暖閣燎松酌酒興至吟  
咏凡投寄贈別五七言諸什  
共計百餘首叢春彙成緝性語



致淺率不堪入選凌憶爐煙  
縹緲簪筆呵凍肌粟欲裂  
聯志野人一時清况不敢忘  
五大夫之力耳

就李梅顛道人周履清識



燎松吟目錄

寄茗溪茅鹿門四首

寄屠赤水二首

寄陳仲醇二首

寄沈穉咸二首

深秋過孫世聲玩菊遇琴川張君若竹別

去寄懷二律

寄吳門錢少室

鴛湖晚釣寄城南諸社友

寄羅陽劉先生二首

寄王百穀二首

寄張凌虛二首

寄張幼于二首

寄汪漢陽二首

寄陸承湖二首

寄武塘章明府

寄章仲玉四首

寄沈從先四首

寄李雲麓四首

寄王野賓四首

寄友人二首

寄徐春門二首

寒夜咏懷寄陳龍川

寄悅支上人

倚韻答沈從先

寄章仲玉二絕

寄唐瀛洲二絕



寄倪芹川

寄鄭翰卿

寄秋潭上人

送唐山人還武林五言八韻

烟雨樓送閩中林洪卿七言八韻

送陳三緘遊西川十二首

送俞玉如還吳六首

送郁季雅遊閩中六首

送陳仲醇還吳淞四首

送小洲耆君西席歸古虞四律

送趙雲泉之山西四首

送謝震川四首

送張左山三首

送友

詠原上草送友

送梵可上人金陵聽經

送曹公子歸河南應試

送陳省軒

燎松吟

嘉禾周履靖著

吳郡劉鳳校

金陵荆山書林梓

寄茗溪茅鹿門四首

翫月涼秋綠野堂  
別來不覺早梅芳  
思君立就相如賦  
憶我同傾逸少觴  
峴嶺遙看叢檜柏  
茗溪今見起鸞皇  
當春賸有王猷興  
燒燭聯牀話夜長



其二

不羨人間問姓名  
布袍芒屨任吾情  
閒來策杖逢僧話  
興至吟詩遶竹行  
秋爽籬邊對野菊  
春暄郊外聽流鶯  
松窓盡日翻殘卷  
無事經旬不入城

其三

老去年來興已違  
誅茅清隱自忘機  
野田種芋爲饗食  
芳沼栽蓮綴敝衣  
木石同居塵事少  
蒿萊迷徑世情稀  
尤欣白日無煩惱  
免却紛紛是

與非

其四

老梅踈影倒窓前  
野叟身閒白晝眠  
謾自擎杯敲句法  
何須煉藥學神仙  
溪橋散步尋詩侶  
郊野探春拄杖錢  
世事已知渾似夢  
悠然茅屋樂餘年

寄屠赤水二首

遙憶僧房會晤時  
月明窓下幾相思  
曾將騷句題梅樹  
不見文車過竹籬  
瀟酒高情嵇叔夜  
風

流雅度沈佳期何時掃榻山堂上共對芳樽話  
別離

其二

曉臨青鏡使人悲何忍相看兩鬢絲月下題詩  
仍似昔花前醉酒莫教遲竹牀欹枕過亭午梅  
塢談棋至暮時自喜優游尋樂事不妨白髮戴  
花枝

寄陳仲醇二首

抱疴巖穴負春光古典新詩滿石牀芳砌日封

苔蘚碧空庭時見蝶蜂忙爐中每煉延生藥甕  
內常餘喂鶴糧別有林泉好風致更無塵夢到  
君王

其二

老驥熟知岐路險清霜侵鬢興多違烟波閒聽  
漁歌起雲漢遙看林鳥歸松葉任炊菰米飯薛  
蘿堪綴野人衣晚來獨坐開山酌遮莫明河入  
戶輝

寄沈穉成二首



君家高調思多新句逸詞工似伯倫庭樹幽蘭  
香滿室門臨流水淨無塵淡雲掩護山窓晚野  
鳥間關巷陌春興似蘇門長嘯客跡同洗耳避  
名人

其二

秋深策杖過山房倏忽春回草欲芳沈約風流  
情更逸周顥疎慵性多狂筠窓尚憶臨池興石  
鼎猶思煮茗香湖上放舟揚桂楫期君燒燭醉  
飛觴

深秋過孫世聲玩菊遇琴川張君若竹別去

寄懷二律

孫康菊畔逢君話旅鴈南征芳訊沉畫上題情  
渾子美石邊綴樹傲雲林晴窓索句尋君遠  
几臨池憶爾深明年挾卷琴川道叙濶花間酒  
滿斟

其二

思君高致憶琴川爾我清狂各一天圖上峯巒  
多險境集中詩句富長篇幽閒氣韻王摹詰渾

厚尖新聶大年何日焚香同秉筆寫山畫水共  
賡聯

寄吳門錢少室

訪爾高踪日未曛杖藜拖屐過清濱入門孤鶴  
松庭淚傍檻疎梅石砌芬歡洽片時談有益別  
來三月信無聞江邊忽遇飛鴻便聊寄新詩慰  
隱君

鴛湖晚釣寄城南諸社友

夜來宿雨收晴光曜雙目扁舟放清流一望波  
紋綠曉霜萎汀蘆寒鴉鳴古木風帆渡口移鷗  
鷺沙邊宿老去久忘機心閒無嗜欲漁父成故  
知幻身何拘束爲愛滄浪波寄跡滄浪曲垂釣  
不厭頻得魚盈一簾貫酒問村家烹魚燃楚竹  
擎杯對江月此樂羸我獨寄語社中人爲漁此  
生足

寄羅陽劉先生二首

深秋謁老師卽日欲云辭共擬少陵鱗同傾太  
白卮夢中仍話舊詩裏紀相思關歲乘孤艇囊



書詣董帷

其二

俠氣隨年去棲遲未遂謀世情頻轉易歲月不  
羈畱解慍惟斟酒忘寒仗敝裘悠然成隱逸白  
首臥林丘

寄王百穀二首

秋日上君堂籬邊菊正芳爐烹雀舌茗架滿蠹  
紋章摩詰情多逸林宗詩更狂春晴移短棹期  
醉野人觴

其二

臨池萬竿竹依竹結茅廬榻畔一尊酒園中半  
畝蔬閒吟陶令句時做右軍書麋鹿常爲伴心  
空塵事踈

寄張凌虛二首

張旭世稱豪衡門靜養高書家宗晉格辭調學  
離騷栗里陶潛隱五湖范蠡逃尋君問竒字春  
日汎輕舸

其二

君家成隱逸我亦愛幽棲世上今王孟林間昔  
阮嵇池中遊赤鯉枝杪叫黃鸝羨爾閒情古雲  
箋賦此題

寄張幼于二首

深秋一爲別不覺近春時遙憶花前醉還追月  
下期君情多眷戀我意愜幽思題却山人句吳  
門寄故知

其二

誅茅隱翠微綠竹作墻圍冬至梅花發春來筍  
蕨肥時尋僧寺榻日上釣魚磯不涉江城路應  
知俗慮稀

寄汪漢陽二首

徑荒蒿草合門靜白雲深羨爾遨湖海慚余臥  
竹林莫將時事較強把宿醪斟却恠秋霜色無  
端兩鬢侵

其二

高逸古人風遨遊江漢中新安原故里茂苑構  
新宮書法龍蛇走詞章錦繡叢問奇尋遠道該



博過楊雄

寄陸承湖二首

放棹虎丘西尋君過碧溪石橋堪縱步茅屋足  
成棲雲外鳴秋鴈桑巔唱午雞追歡知未卜爲  
寫數行題

其二

與君各一天晤對苦無緣興至成新句酣來只  
愛眠悠悠在蓬戶寂寂度殘年忽有相思調溪  
藤寄短篇

寄武塘章明府

仁愛稱良牧芳聲達 帝鄉高堂喧燕雀長晝  
鼓宮商政平如漢吏花發勝河陽萬姓咸歌頌  
清風播武塘

寄章仲玉四首

話別在冬初分襟兩月餘常逢夢裏面不見鴈  
邊書漸覺風塵隔應憐會晤疎裁詩憑赤鯉迢  
遞到君廬

其二

美人隔雲水相見竟無期江岸梅初發還應折  
一枝寄將百里外慰我舊相知倘有臨軒興持  
杯話所思

其三

憶別在涼秋因君湖上遊無由話衷曲不覺歲  
時週玉曆頒新日梅花發故丘元宵期宴賞尺  
牘倩人投

其四

家居鴛渚曲徑僻景蕭條夜夢同君話心愁仗  
酒瓢越人情戀戀吳地信迢迢歲盡風霜冽燃  
松擁敝貂

寄沈從先四首

吳門看落葉邂逅沈佺期晤對忘初識論交似  
故知寄君無絕句慰我有新詩何日追幽賞花  
前醉酒卮

其二

閒與懶相宜前途計有期尋歡猶恨晚醉酒却  
嫌遲子幼縈心事霜華染鬢絲寄言英俊客應



惜少年時

其三

流鶯啼曉樹逸客隔雲山別久情多絆相思晤  
更艱鴈書何日到文旆幾時還寥落林中叟荆  
扉盡日關

其四

思君久不面空使夢魂勞昔別秋霜裏今看春  
水高招尋投短句愁至市香醪仲蔚成疎懶誰  
憐徑滿蒿

寄李雲麓四首

風流唐太白儒雅漢京房節俠聞滄海交情遍  
異方臨池書樂毅倚馬賦長揚鴛渚春風發簞  
管起鳳皇

其二

湖上逸人居寒風入戶疎竹聲流榻冷梅影到  
窓虛賦就數行字緘封一紙書歲終塵汨汨煮  
茗在春初

其三

山謠寄長卿老去寡逢迎柏葉添微火園蔬進  
巨觥畏寒屏障紙愛飽飯炊秔野叟貧而樂冬  
來日掩閤

其四

閒吟神自愜長嘯思多豪獨坐寒窓下焚香讀  
楚騷世情空爾楮富貴亦鴻毛不用頻相較何  
如醉濁醪

寄王野賓四首

故人居咫尺何事晤常疎甕內盈清醞園中長  
嫩蔬燎松陳竹榻候客過茅廬共爾燒銀燭歡  
歌醉漏餘

其二

年衰神易怠無意究玄經把酒祛風色圍爐闔  
戶庭詩章傳社友梅萼浸磁瓶不忍臨青鏡愁  
看兩鬢星

其三

老去厭塵事年踰性喜閒追思遼華岳猶憶涉  
溪山月色侵窓底風聲吼竹間新詩勸宿酒世



路不相關  
其四  
案頭書萬卷  
尋繹意無迷  
詞格追秦漢  
風流步阮嵇  
世俗誰從論  
賢良志欲齊  
湯寫溪藤遍  
祈君一品題

寄友人二首

徑僻行蹤鮮  
門幽芳草多  
閒來穿石嶠  
興至釣湖波  
嬾涉江城路  
幽居丘壑阿  
隣家栗里近  
五柳日相過

其二

雙鬢漸星星  
韶光不我停  
形骸風裏燭  
世事水中萍  
未就驚人句  
徒然誦史經  
自慚樗朽質  
寂寞老柴扃

寄徐春門二首

寒夜永如年  
篝燈竹榻邊  
莫云杯乏酒  
猶喜案盈編  
狂與忙相背  
閒同懶更便  
囂囂忘俗慮  
高枕自安然

木東其六

水凍不出戶朔風鳴樹頭家貧還少事歲暮反  
多愁句內情堪寄甕中酒可芻梅開花盛處期  
爾一同遊

寒夜咏懷寄陳龍川

漏永人無寐寒風滿戶庭半窓梅畔月一卷案  
頭經髻髮愁中白松枝雪裏青有懷川上客惆  
悵醉還醒

寄悅支上人

支公不晤久倏忽兩年期白晝追高誼清宵憶

素姿但知棲古剎不見寄新詩何日浮杯至聯  
牀話昔時

倚韻荅沈從先

吳地來鴻鴈泥封下碧瀆句成西漢調書法上  
皇墳楓葉燃村徑寒風捲暮雲故人情更洽慰  
我北山文

寄章仲玉二絕

遙聞舟泛石湖東幾度相思信未通江上偶逢  
南鴈度雲泥片紙達山公



其二

君家鑄法逼黃初，門巷時填長者車。  
堪惜故交經廿載，也應盡舫顧吾廬。

寄唐瀛洲二絕

端陽分袂忽殘冬，憶爾高懷思更濃。  
曾訂清秋看明月，梅花開處未相逢。

其二

燈前題句寄相知，命駕登途慰所思。  
莫使山人頻悵望，期君踏雪看梅枝。

寄倪芹川

髫年曾共論詞章，此日歸來姓字揚。  
深愧續之成落魄，喜看元鎮絢冠裳。

寄鄭翰卿

寄宿鴛湖話五更，不堪雞唱促君程。  
離愁併入新詩裏，何日相逢話別情。

寄秋潭上人

山人久不到禪家，幾得塵襟泛海槎。  
共坐蒲團餐法食，同翻貝葉講蓮花。

送唐山人還武林五言八韻

河橋送知己，悵恨惜離羣。  
郊甸多風雨，遙空蔽白雲。  
柳條時可折，別思不堪聞。  
愁抱芳樽釋，高情此日分。  
別時逢朔雪，春到望猶勤。  
眷戀西湖曲，孤山過客星。  
茅堂掃塵榻，握手話慇懃。  
野酌陳花下，重來論短文。

烟雨樓送閩中林洪卿七言八韻

鴛鴦湖畔西風急，烟雨樓前歲暮天。  
送客磯頭情萬種，臨磯艤艇列離筵。  
目眇愁雲迷遠浦，心

隨流水下長川，歸鴻南去增君恨。  
衰柳江邊助客憐，別思豈堪舒醉眼。  
離懷猶入夢魂牽，此夕一尊收兩淚。  
未知歡對訂何年，無窮意緒言難悉。  
恨却舟師促水邊，不盡與君分袂思。  
五更殘夢待君還。

送陳三緘遊西川十二首

人憐今日別才羨，長卿竒寒色。  
悽征棹離情，愴故知江梅將欲放。  
岸柳未能猗旌駐，西川境傳詩慰所思。



其二

送君登驛路回首意淒其野水連青漢風帆颺  
碧漪蓬窓思母日時慈母初喪眼境異鄉時珍重加  
飧飯母令懷抱悲

其三

壯遊情不倦豈厭路岐長木落悽江岸鴻飛背  
曉霜聽猿啼蜀嶺翫月憶家鄉倘有題花句令  
人遠寄將

其四

之子出江干休歌行路難聽雞離後滴望月  
前灘懶問家山杳愁看波浪湧艤舟尋酒肆把  
盞強爲歡

其五

風露滿疎林征途一望深未聞新燕語先憶故  
人心雲靄如懸幃泉鳴若奏琴停橈居息穩憑  
鴈寄芳音

其六

相送過長亭飛蓬不少停近看一水白遙望萬

山青夜宿尋官渡朝行看曉星騷人愁旅邸稚  
子候柴扃

其七

古來豪俠客足遍五湖春射策期安國窮經欲  
相秦莫愁雲水濶豈惜路途貧應憶東林社題  
詩可寄頻

其八

落落丈夫志囊琴千里行江邊聞鳥語枕上聽  
潮聲跡寄風塵路身遊蜀道城思親憑旅櫺遙

望白雲橫

其九

悵悵相如思携書上畫船孤帆渡南浦幾日到  
西川古跡從君翫新詩爲我傳倚門長至後期  
醉臘梅邊

其十

棧道多危峻山川數勝形應過司馬宅當謁子  
雲亭澗水拖繒帛峯崖列錦屏須知不易翫尊  
酒可畱停



子昂千里別公瑾寸心愁慷慨忘憂念從容樂  
遠遊篋中藏漢史蓬底挂吳鉤戀戀堪遙送何  
能一少畱

其十二

共擬梅間酌何期歲暮分人皆嗟別路誰不惜  
離羣羅袂侵嵐氣芒鞋破棧雲明年當此日候  
爾話殷勤

送俞玉如還吳六首

下榻秋風裏征帆此日還歌詩成別調把酒勸  
離顏憶爾孤雲外歸途一水間桃花三月媚共  
醉虎丘山

其二

隱隱青山外微茫是爾家遙看村樹藹一望水  
雲賒旨酒酣行客長風速去槎歸來天未暝門  
外日初斜

其三

無計挽歸航令人結寸腸陽關歌一曲別酒勸

三觴遙望天無際回看水渺茫芳春候征棹期  
共醉山房

其四

河橋凝望處來往涉風塵此日一爲別何時面  
故人輕帆飛落日短棹渡芳津不隔程千里毋  
勞泪洒巾

其五

含愁折楊柳尊酒送江干莫憶登途苦休嗟行  
路難一蓬霜色白滿日水光寒若遇南鴻便題

詩寄我看

其六

檣李隆冬別吳波百里長曉烟迷野岸朝雨濕  
帆檣鷗鳥沙邊狎梅花壠上香相逢應有日何  
必泪沾裳

送郁季雅遊閩中六首

慷慨跨雕鞍羔裘可禦寒離家當臘月到日正  
春蘭碧樹雲中藹青山馬上看如逢風景勝駐  
足少盤桓



其二

策騎正隆冬層冰冷客容泉流凝萬壑雲影暗  
三峯蠻鳥啼深谷哀猿挂古松路危人跡少樵  
子偶相逢

其三

別意言難盡行驂不可扳登途情默默回首淚  
潛潛雪色渾如玉人聲半似蠻興當尋九曲借  
宿武夷山

其四

仗劍涉天涯休辭客路賒官橋多朔雪灞岸半  
梅花征騎衝嵐氣躋程聽曉鴉未昏先覓宿當  
醉酒人家

其五

君征南閩道憐我隱林丘風雪悽行色寒窓境  
壯遊新詩題別思宿釀解離愁倘有懷人句緘  
封寄鴈投

其六

仲舒千里行孺子不勝情歲盡江梅發陽回春

鳥鳴疊疊遙山障  
亭亭遠樹迎  
不知途路客幾  
日到延平

送陳仲醇還吳淞四首

相送出鴛湖  
令人情緒孤  
愁雲連野水  
別泪洒  
征途霜色明  
溪樹風聲吼  
岸蘆還家思  
白社可  
寄信音無

其二

江樹曉烟籠  
故人歸興濃  
題詩窮別思  
把酒釋  
離容  
漢外孤鴻影  
村前古寺鐘  
悠悠望遠渡  
隱

隱是吳淞

其三

曉霧迷前渡  
送君思更深  
晨雞唱野店  
江鳥出  
疎林話別情  
難盡離愁酒  
不禁謔吟分  
袂句  
惆悵故人心

其四

岐路思難涉  
離歌不忍聞  
輕帆飛野岸  
哀鴈度  
重雲遠樹寒  
烟暝遙天夕  
照曛衷腸猶未盡  
應惜此時分



送小洲袁君西席歸古虞四律

朔風增客思，列席話幽窓。  
別酒易成醉，離歌不盡腔。  
鴈聲哀遠漢，雲影映澄江。  
孺子頻揮淚，妻其讀夜釭。

其二

迢迢雲水隔，別後晤言無。  
驛路梅花發，津亭客思孤。  
杯傾天欲暝，棹鼓日將晡。  
心逐征帆去，相隨到蓋湖。

其三

流光冬欲盡，送別更悽然。  
月照鴛湖樹，水凝剡客船。  
凍雲霾坦道，流水促殘年。  
期爾相逢日，元宵燈火前。

其四

送君江上路，天杪亂雲曇。  
分袂情多戀，離筵酒易酣。  
歸舟風更迅，回首意何堪。  
還待青陽候，持杯共爾談。

送趙雲泉之山西四首

送別出杉青，長亭復短亭。  
迢遙千里涉，屈曲幾



峯經舟疾猶馳驥帆飛若轉翎俄看郊甸外夕  
照下滄溟

其二

一丘余獨臥千里爾單行分袂無窮思離尊不  
盡情滔滔流水逝隱隱遠山橫歸棹如梭疾長  
風速去程

其三

鴛鴦湖畔柳纜繫少盤桓談笑知何日離筵且  
盡歡挂帆期欲迅別思少能寬皎皎今宵月舟

人喜過灘

其四

臨岐成別調傾箏適愁容客路嗟寒夜行舟怯  
暮冬揚帆候天曙解纜聽晨鐘眺遠天無際青  
山千萬重

送謝霞川四首

驛路正淒淒殘陽下碧溪離人對尊酒山鳥隔  
林啼不盡傾壺興寧貽送客題今宵成晤對明  
日各東西



其二

芳筵稱餞別尊酒解愁顏去客不堪挽離情何  
可板鬢邊憐白髮馬上看青山獻歲當三月花  
開候爾還

其三

殘冬風雪時征旆赴水岐路杳行人倦天寒去  
馬遲亭中勸卮酒江上發梅枝偶遇飛鴻便題  
情慰所思

其四

衝寒涉柳岸話別泣河橋忍見雲山隔休嗟道  
路遙朔風聲颯颯林木影蕭蕭若到前村肆當  
壚醉酒瓢

送張左山三首

魯酒易成醉殷勤話更投今宵情戀戀明日旆  
悠悠鴻鴈排天際烟雲靄渡頭扁舟回首處爾  
我各成愁

其二

寒風吹秀水鼓棹出河梁一曲離筵調三杯促



去裝鐘聲來野寺寒氣襲征裳遙望雲邊樹還  
疑是爾鄉

其三

陽關歌未輟舟子促登程檣燕親人語江雲慘  
客情好風生遠漢斜日照高城不盡臨歧語歸  
家夢竟成

送友

整轡促歸程凄然送爾征數行題別思一醉釋  
離情駿騎奔馳驟兒童咲語迎晴春候文駕杯

酒續詩盟

詠原上草送友

原上草離離榮枯一歲期春風吹綠嫩秋雨漸  
歲蕤愁却王孫路萋迷仲蔚相送君歸故里別  
泪灑江湄

送梵可上人金陵聽經

荷笠風霜裏浮杯江漢間不堪情繾綣忍聽水  
潺湲對月棲霞寺聞經牛首山相期春社後歸  
話舊禪關



送曹公子歸河南應試

相如此日赴河南送別長亭思不堪寶劍風帆  
催去棹鴛湖烟柳駐征驂錦文千卷知君擅丹  
桂雙花待客簪野老竚聽秋信捷鹿鳴華宴恣  
歡酣

送陳省軒

送君歲暮倍淒其且向津亭倒酒卮不盡離愁  
聞夜雨歸來憶別賦新詩

燎松吟終

燎松吟後

丙申冬月饒雪寒齋束煨乞溫日不暇給  
每琢冰操觚筆毛欲墮而逸之吟卷甚饒  
暇日得手一編多贈寄懷人之作大都清  
音秀句得之率然雖明月在璞不能無考  
而高韻自遠使駢偶綺艷者視之不覺變  
色却步真幽人之致也古人重交率拍青



松以旌信即芳杜河梁往、於離別淒  
中矢音特達逸之雨雪霏、情與語會  
謂歲寒之盟者耶獨怪辛尚書詆文學於  
朝華而自比於十丈松樹不知薪盡而火  
不傳与腐草何異乃逸之所寄託遠矣丁  
酉仲春朔日平原賀萬祚題



### 題尋芳藁

余在長安時雲間董太史每、  
口攜李有周山人梅墟余未識  
其面今年被放謁鹿門先生復  
稱山人出所謂尋芳稿視余、  
卒業匪特窺山人底裏且有以



峴山人非凡流江南二月萬卉  
齊芳夭喬葱菁灼々芊々隸首  
莫美兼之騷人冶客墨士冶姝  
山人其一品藻之飛賦之寫情  
摹景宛存篇什摩詰謂詩中有  
畫其信然乎唐人詩稱窮而詠  
物稍遜六朝尋芳果易々也山  
人且步武六朝矣余若山水清  
遠昔有沈柳渚名家長水有烟  
雨兩湖之勝山人不虛生名不  
虛得也

長興襟江朱鳳翔書於

蓮華莊

三五  
謹志

晴書

西窗之數  
人亦盡生  
後亦

入且  
後亦

入且  
後亦

入且  
後亦

尋芳咏目錄

上卷

元旦

立春

東郊散步

元夕五首

席上贈歌妓四首

宵宴

夜燕惜別

宴歸

元夕寄城中諸友  
美人曉妝二首

江南春詞和倪雲林韻

宮人鬪草

聽鶯



春宴二首

春日過陳龍川齋頭

山翫雪二首

江村野酌六韻

新春訪李培之不遇

春遊調錦纏道

春日東郊翫賞調臨

江仙

下卷

草堂烟雨

少年行四首

觀妓上竿

艷姝步線

吳姬走馬

酒肆啣杯

春園家宴二首

挾彈

村居野集

花朝醉客

春日野酌

杜鵑

柳陌鶯聲

鳥醒午夢

春柳

楊花

山家春日

新晴

雪霽同友春郊閒賞

田家款酌

春日寄友

讌吳伯度宅

村家小集

尋芳咏卷之上

嘉禾周履靖  
同郡賀萬

元旦

茅屋逢元旦  
蕭然野老身  
空庭餘臘雪  
新柳裊  
晴春咲把屠蘇盞  
時彈漉酒巾  
朋儕能相飲  
更話一番新

立春

逢春欣雪霽  
草木始精神  
隴上梅初放  
堤邊柳  
尋芳咏上

五十五

欲輦莫辭尊  
酒醉應惜歲  
時新易改  
雙鬢鬢潛  
然泪灑巾

東郊散步

尋芳何惜路  
途賒遙望前村  
是酒家  
駘蕩輕風  
梳岸柳融和  
麗日映晴沙  
黃鶯兩兩啼  
春困  
雙舞礪花  
且貰香醪  
醉三斗  
還醉

元夕五首

雪晴去  
曉綵閣起  
江城市巷  
定黃集  
十  
詩



春日過東臯殷君齋頭出示舷上人所贈

田索和倚韻五絕

訪沈涵所春波間賞新春寄西城李培之

春日雪霽訪殷東臯醫隱二首

暮春

送春

山中春盡

雪夕宴王明府宅詠

春燈雪爭輝二首

林雪與某

林雪與某

春園宴二首

春園宴二首

樹明賢侯同慶賞士女共遊行年豐從此祝萬

井樂昇平

其二

翠管盈人耳花燈滿市廛畫橋車馬簇城郭士

民填絳蠟燒良夜嘉賓集綺筵興狂忘玉漏暢

飲樂堯天細香絲未對闔體絲燦燦志久藉不

其三

瑤樓高百尺燦爛動人歡月滿金樽泛燈輝玉

漏殘座中歌雅調醉後倚欄干簫鼓喧城市渾



春日過東臯殷君齋頭出示舷上人所贈

索和倚韻五絕

訪沈涵所春波風  
新春寄西城李培之

春日雪霽訪殷東臯醫隱二首

暮春

送春

山中春盡

雪夕宴王明府宅詠

燈雪爭輝二首

樹明賢侯同慶賞士女共遊行年豐從此祝萬

井樂昇平

其二

翠管盈人耳花燈滿市廛畫橋車馬簇城郭士

民填絳蠟燒良夜嘉賓集綺筵興狂忘玉漏暢

飲樂堯天

其三

瑤樓高百尺燦爛動人歡月滿金樽泛燈輝玉  
漏殘座中歌雅調醉後倚欄干簫鼓喧城市渾



忘此夕寒  
春雨收江郭輕烟散草堂簫聲和夜曲燈影混  
蟾光繡陌聯香袂朱樓闌艷妝歡娛忘夕寐不  
覺漏聲長  
車騎填官巷燈光燭太虛清尊浮月下羌笛弄  
更餘稚子喧華屋佳人倚故閨我儕亦追賞命  
酒煮江魚

席上贈歌妓四首

歌出新聲圓似珠調清韻雅世應無筵前賓客  
擎金盞堂下歌童倒玉壺子美時逢堪解佩相  
如遇處肯當壚生臨勝賞還須醉莫把韶光九  
十辜

其二

綺席高張白玉堂吳姬嫋娜步迴廊翩躚舞袖  
雲中鳳婉轉歌聲月下簧銀燭輝煌侵綠鬢香  
風淡蕩動霓裳歡娛未盡嘉賓興不覺明蟾過



短牆

其三

窈窕仙姝宮樣妝輕移羅襪出蘭房柳拖眉黛  
芳春色風動棉裙滿座香綠酒千杯情更洽清  
歌一曲思偏長莫憐玉漏聲聲促還待東窓耀

太陽

其四

清聲麗曲啓丹唇笑臉盈盈更可人細舞羅裙  
流素影謾敲檀板落輕塵金壘醉盡瑤臺月銀

燭搖殘玉洞春勝賞百年能幾許慇懃相勸莫

辭頻

宵宴

清宵佳客宴銀燈吐夜光猩唇陳綺席琥珀泛  
霞觴寒漏催歸騎清歌繞畫樑呼盧歡未輟山  
月過迴廊

夜燕惜別

一曲新歌有盡頭離音頻勸使人愁秦箏彈絕  
朱絃息玉燭燒殘紅淚流夜永如年歡未畢情



長若水醉難休雞聲三唱方堪別門外蕭蕭風  
雨稠

宴歸

春宴追歡散溪邊步月迴張燈光燦爛別妓思  
徘徊夜靜羅衣冷更殘駉駉催歸來情未倦剪  
燭寒殘杯

元夕寄城中諸友

綠羅紅綺障星樓幾處笙簧滿秀州逸客開尊  
華宴賞王孫策騎錦城遊銀河斗轉心猶暢玉

漏聲殘興未休元夕新詩題素楮高情還向  
嵇叔

美人曉粧二首

共客酣杯興不窮朝來帳底睡朦朧曉妝猶帶  
猖狂態張敞還嫌畫未工

其二

融融春日上簾櫳欲向東窓怯曉風笑語侍見  
權作鏡斜簪一朶海棠紅

江南春詞和倪雲林韻

春林夜雨朝送筍桃李芳菲門徑靜  
主人寂寂對水樓簾外交飛雙燕影  
峭寒風雨  
羅衣冷幾樹梨花開近并社酒歸來倒角巾歌  
斜醉步動輕塵蝶飛忙花信急杜鵑聲裏春  
衫濕韶光撚指嗟何及倚樓芳草連天碧幾處  
笙歌滿城邑垂楊繫馬風前立請看綠水泛青  
萍堪笑隨波空自營

其二

村前萬樹桃花盛綠柳垂絲間紅杏呼朋拉友  
翫芳春歷遍韶華三月景雕鞍金勒相馳騁青  
樓柳巷追佳典吳姬嫋嫋笑歡迎握手慙慙  
更親入蘭房檀麝集銀燈翠管延嘉客冰盤  
玉饌陳芳席金樽漱灑浮琥珀玉指纖纖調錦  
瑟牙牀繡帳娛此夕鶖雞三唱促登程惆悵相  
看不盡情

宮人鬪草

上苑春方媚相携步沼邊緩尋污玉指巧鬪落  
花鈿雜沓穿亭後喧闐徹御前未分誰勝負忽  
報內宮宣



聽鶯宣

那羨塵中問姓名且從木石寄餘生墟中梅樹  
逢春放鑑內茶芽掃雪烹閒撫焦桐消白晝戲  
調孤鶴適玄情莓苔一徑無痕跡靜倚松窓聽  
早鶯

春宴二首

綺筵集嘉賓高談多逸思簾外鳥聲清座中人  
未醉吳姬舞袖長歌喉嬌且利莫謂老叟衰寧  
然有俠氣

其二

着屐傲靈運流觴羨右軍隄邊楊柳綠江上野  
梅芬花氣侵衣袂歌聲雜鳥羣莫辜春日興  
酌臥斜曛

春日過陳龍川齋頭翫雪二首

如銀白雪未全消賞景王猷一見招綺席通宵  
燒蠟炬高情對客醇春瓢人生競說浮萍寄世  
事方知飛絮飄項羽石崇渾是幻何妨蹤跡混  
漁樵

其二

故人知我敝袍寒樽酒相板盡所歡坐擁紅爐  
燃楚竹旋烹紫蕨供水盤杜公解佩時尋柳陶  
令貪杯早棄官暢飲高歌忘去住呼盧不覺五  
更殘

江村野酌六韻

步步躡江濱晴春氣象新高歌鶯作友展席草  
爲茵岸柳搖金縷山花映角巾巨觥盈綠醕翠  
釜煮鮮鱗醉去忘人我在來掃俗塵欲知吾地

氏方外一閒人

新春訪李培之不遇

人日扶藜訪友生雪消天霽四山明柳條奈冷  
含青眼梅樹衝寒吐素英薛徑環迴看有迹柴  
門深閉聽無聲還疑郊外遊芳草惆悵難逢阮  
步兵

春遊調錦纏道

浪蝶狂蜂來往紛忙春晝萬紫千紅如錦繡絳  
桃黃鳥堪爲友滿目韶華翫賞休教負 拉吳



尋芳賦  
廿五卷五  
姬柳邊花下傾酒芳辰共酌應難偶忽聽墻內  
歌聲戲踏梅枝偷覷喜佳人舞袖

春日東郊翫賞調臨江仙

燕語鶯聲勸酒紅桃翠柳迎春夜酌還須達曉  
晨當圖一大醉莫負賞花情 撫掌高歌一曲  
韶華麗色撩人遙天皎月淨無塵共佳賓縱飲  
酩酊倒芳茵

尋芳咏卷之上 終

尋芳咏卷之下

嘉禾周履與靖著

草堂烟雨

烟霧鎖青巒茅茨濕未乾窓虛雲氣潤林靜曉  
風寒似值瀟湘夜如迴洛浦瀾鷓鴣啼未徹徙  
倚碧欄干

天味少年行四首 派用林

白面郎君鞞玉驄羅衣拂袖惹春風揚鞭直上  
新豐市吸盡千杯倒肆中

原是高陽舊酒徒狂歌花下謾呼盧醉來不識  
天和地倒躍青驄那用扶

詩集其三

天桃艷杏闔芳春綠酒盈樽寂可人倒盡甕頭  
天欲暝家無擔石未言貧

其四

年少輕狂膽氣豪高歌一曲手持螯興來盪倒  
牀頭醕白眼三寮毛

觀妓上竿

獨木峙中央巍巍逼上蒼如猿攀古榦似燕集  
危檣嘯舞銀河曲狂歌月殿傍令人驚絕險遊  
子意徬徨

艷姝步線

簀管百尺聳五色綵絨橫羅襪空中度弓鞋線  
上行如星流更疾比燕掠還輕走罷瑤階立芳  
姿價十城

吳姬走馬



驥裏追風驥吳姬似燕輕驅馳神箭急蹀躞市  
人驚鉛粉沾蹄汗衣香襲絡纓紅塵飛數里雷  
電半空轟  
酒肆啣杯  
市橋夾岸柳條垂酒熟葡萄琥珀姿素腕湯傾  
蒼玉甕朱唇飛映紫金卮酒花日色侵紅袖薪  
桂烟光靄綠眉慚愧相如親滌器琴中寄寫鳳  
皇詞

春園家宴二首

梅花開遍故園枝老婦相携稚子隨柳外徐行  
人未見竹間不語鳥先知苔錢新長烟凝砌春  
雪初消水滿池元亮醉來歌白雪兒童爭咲老  
翁癡

其二

茅堂野席賞春期宿酒新筍煮綠葵稚子花前  
歌白苧山妻座上勸清卮鶯啼幽谷芳辰候柳  
綻平堤淑景時應惜百年終有限須當暢飲莫  
教遲

錦囊挾彈

雕鞍駿騎踏青莎手挾金丸柳陌過莫逐流鶯  
盡飛去江南春樹苦無多

村居野集

新草畱殘雪寒梅滿樹花湯遊郊外路來扣野  
人家村店沽醺醪山厨芼韭芽興狂何惜醉還  
待月輪斜

花朝醉客

雙雙紫燕掠楊條點點紅葩向客嬌東陌風晴

蝶翅舞西郊日暖鳥音調花間共餉春蔬饌石  
上同酣醺醪瓢酪酏欲眠芳草地呼童扶客過  
溪橋

春日野酌

偶訂林間三四友杖頭止掛百文錢鶯聲睨睨  
情堪戀花色妖嬈興可憐村店每沽經歲酒春  
郊時醉艷陽天不須細較榮身策應惜人生少  
百年

杜鵑



一枝借宿吳山樹興逐流鶯谷外飛三月繞林  
春欲暮五更啼夢淚沾衣戲栖危石看明月閒  
踏喬松怨落暉無限韶光明媚景聲聲猶恨不  
如歸

柳陌鶯聲

春到園林日日晴陌頭柳底轉新聲風前宛轉  
遊人愜窓外間關睡客驚頻倚碧欄聽不盡幾  
回青瑣夢難成知音莫謂非鸞鳳清調堪和子  
晉笙

鳥醒午夢

春來漸覺俗情賒問柳尋花不記家宿釀千杯  
情更暢新詩幾句趣還嘉閒來扶杖神猶壯老  
去臨書眼未花啼鳥數聲醒午夢呼童湯煮雨  
煎茶

春柳

鳴春黃鳥踏柔條片片飛花似雪飄繫馬日嘶  
芳草地含烟時暝碧溪橋紛紛膏雨青枝潤拂  
拂和風翠縷搖幾度送君登遠道含愁洒泪折

長標風翠綠蘇共與共故食蘇也合感西風林

楊花含粉柳絮散成紛紛似雪似雨似風似

小院春深日正長飛飛柳絮撲方牀烟迷曲岸  
垂青線雪散遙空滿碧塘燕掠紛紛池上舞魚  
吹片片水中揚兒童拊掌風前捉相逐歡奔過  
短牆

山家春日

晴日暖芳春扶筇野眺頻遊絲隨蝶舞垂柳隔  
溪新水暖魚吹沫風和鳥近人誰憐渡落者雲

水自相親

新晴

一番時雨遍郊原幾樹疎梅長嫩根春草茫茫  
萋野岸碧蘿裊裊暗柴門溪邊楊柳搖金縷坂  
上桑條潤綠痕靜坐晴窓人寂寞漫扶藤杖過

西村

雪霽同友春郊閒賞

雪霽千山淨春郊麗日暄林鶯啼古木酒旆颺  
前村共客趺芳草呼童倒綠樽莫愁天欲暝明



月照黃昏

田家款酌

乘閒移小艇村徑訪幽栖巖花當僻磴楊柳暗  
長堤川光搖葦戶霞彩映澄溪山犬籬邊吠林  
鶯樹裏啼豈辭崎路杳不厭草簷低雞黍爲農  
饌香醪貫巷西情濃欣促膝醉去賦新題田舍  
多真樂何須羨馬蹄

春日寄友

藝梅園草閣翫賞欲忘年花發如春雪香濃散  
曉烟鳥歌娛酒興霜髻枕書眠忽憶故人別新  
詩久不傳

讌吳伯度宅

風光春日麗花色曉林暉尊酒同賓泛梅稍帶  
雪菲應知歡宴少須信醉吟稀且盡今宵興醅  
醕帶月歸

村家小集

楊隄屈曲隨溪轉茅屋荆扉傍竹開野老摘蔬  
烹土釜山人曳屐踐莓苔春風拂拂吹襟袂林

鳥聲聲勸酒杯暢飲莫教村醞竭通宵不管漏  
相催

春日過東臯殷君齋頭出示舩上人所贈索  
和倚韻五絕

西澣曾聞隱接輿朝來得叩白雲居窓明室靜  
清如許几上風翻種樹書

其二

蕭然仲蔚思徜徉門外蒿萊五尺長日對山窓  
吟杜甫靜觀塵世幾紛忙

其三

黃茅爲覆椽爲籬甕牖繩樞足可怡不羨五侯  
華屋麗何如嚴叟釣江湄

其四

逃名不用買山居烟雨湖頭可結廬月映碧波  
鷗鷺集菰蒲深處釣潛魚

其五

踏春時挂杖頭錢入醉酣眠柳絮天一曲高歌  
山月朗風流應擬竹林賢



訪沈涵所

春晴樹樹轉黃鶯得興扶筇入禁城  
盆蕙迎春舒玉蓋庭梅帶雪發瓊英  
清狂公瑾吟詩句豪逸佳期煮茗鐺  
促膝情濃忘日暮何堪分袂出柴荆

新春寄西城李培之

東風吹雨浥林柯徑草江梅春思多  
湖上雪消添水色枝頭花發助鶯歌  
悠悠遠漢雲常住寂寂閒門客未過  
爲問西城李太白春來詩思却如何

春日雪霽訪殷東臯醫隱二首

紛紛瑞雪滿瑤臺自是袁安戶不開  
閒策青藜穿曲徑還看白玉綴孤梅  
遙天霽色明江郭大地風聲動草萊  
得興尋芳過秀水問津爲訪故人來

其二

昔聞康伯隱湖濱蘆葦鷗羣結比隣  
採藥峯前雲滿袖調丹星下露沾巾  
曾施針法醫龍目每

和詩章動世人公瑾登臨逢邂逅慙慙把酒細  
評論

暮春

穿雲涉徑出江城花盡枝頭鳥尚鳴牧子騎牛  
吹晚笛山農荷笠促春耕尋詩醉酒時光迅看  
水携筇鷗鷺迎昨夜一番膏雨過竹林喜見笋  
芽生

送春

春逐東風去飛花泛海溟柳濃聊可駐鶯老不  
堪聞遊子愁無限王孫惜落英殘紅堆石徑新  
綠暗槐庭桑柘連村碧麥苗遍野青牧子驅耕  
犢漁人泛釣舫強將餘酒送愁對木香亭

山中春盡

烟迷野樹綠陰多春去園林鳥尚歌靜數落花  
凭曲檻莫將美景謾蹉跎

雪夕宴王明府宅詠燈雪爭輝二首

王戎此夕宴山公綺席羅珍世不同雪遍萬方  
成玉宇燈輝一室恍蟾宮清光掩暎如銀白麗



色熒煌似錦紅滿座笙簧頻勸酒高歌縱飲興  
何窮

其二

清醪滿泛欸黃公浮白酣歌與晉同竹葉香浮  
琥珀筆珠燈光逼水晶宮情高那管頭顱白思  
逸何妨曉日紅一任窓雞頻唱月我儕潦倒興  
難窮

尋芳咏卷之下

終

